



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



CAMPIONATO AUTONOMICO MAR-COSTA DAMAS 1º E 2º DIA.

O Campionato Autonómico de Mar-Costa Damas Categoría Absoluta, está convocado pola Federación Galega de Pesca e Cásting, baixo a supervisión do Comité Técnico da especialidade. Esta competición rexeráse por estas bases, pola normativa vixente en pesca marítima de recreo da Xunta de Galicia e polo Regulamento de Competición de Pesca Deportiva e Cásting da FEPYC.

Lugar e Data:

Escenario 1º día: PRAIA DE AREA (escenario alternativo PRAIA DE COVAS)
Data 1º día: 02/10/2021 (data alternativa 09/10/2021)

Escenario 2º día: PRAIA DA LANGOSTEIRA (escenario alternativo PRAIA DE LAXE)
Data 2º día: 23/10/2021 (data alternativa 30/10/2021)

Asistencia Deportistas:

Cómpre que tódolos clubs confirmen a asistencia das súas deportistas ata a data linde do 27 de setembro de 2021 ás 12 horas. As confirmacións é imperativo facelas exclusivamente ao correo delegadocoruna@fgpesca.org axuntando o xustificante do ingreso dos 25.- € na conta ES34 2080 0176 9630 4001 0672.

BASES:

Xurado: A súa composición farase pública na reunión de Delegados para o Sorteio.

Mangas: Desenvolverase en dúas mangas de tres horas cada unha delas. Tanto o inicio coma o remate da manga será indicado con sinais acústicas.

A adxudicación dos distintos postos ás deportistas farase por sorteio. Este acto desenvolverase de xeito que o club ou clubs que presenten a máis dunha deportista, estas estean repartidas o máis equitativamente posible entre os distintos sectores.



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



Capturas: Os exemplares presentados á pesaxe aos que, polo menos lles falte un centímetro para acadar a talla mínima legal, contarán como penalización que será a equivalente ao peso deses exemplares. A baila equipararase a robaliza.

Material Deportivo:

Canas: Nesta especialidade de Mar Costa autorízase ter dúas canas en tarefa de pesca por pescadora, podendo ter montadas, de reserva, outras máis.

Cebo: Constará de 3 caixas gavilán , 2 de coreano e 3 caixas de norte na 1ª manga, e 7 caixas de gavilán e 1 de coreano na 2ª manga. O cebo subministrará a Federación Galega de Pesca e Casting. Será o cebo que se indica ou semellante, en todo caso serán iguais cantidades e especies para tódolos deportistas.

Anzois: Non poderán ser de medida inferior a 5 milímetros de anchura. Os deportistas non poden atoparse en posesión nos seus postos de pesca, de anzois cunha apertura inferior a 5 mm de ancho total. Quen infrinxa esta norma será descualificado nesa manga e se fora reincidente a descualificación alcanzará a todo ou campionato.

É obrigatorio para tódalas deportistas dispor como elementos auxiliares no posto de pesca dun caldeiro de polo menos 17 litros e un osixenador, que estará en funcionamento sempre que haxa capturas no mesmo.

Medición e control das capturas

Consideraranse válidas tódalas capturas. Os peixes que non acaden a talla mínima regulamentaria puntuaranse cun punto por peza. As capturas introduciranse no caldeiro (anxada ou desanxada), antes de realizar o seguinte lanzamento da cana.

As capturas serán verificadas polo xuíz, controis ou membros do Comité. Os peixes unha vez medidos devolveranse á auga no menor tempo posible.

A deportista deberá de realizar o desanxado da captura do xeito menos lesivo posible para o peixe, e deberá de manter a peza viva ata a súa verificación.

Programa para ámbolos días:

- 13,00 horas: Recepción das participantes no escenario da proba.
- 13,30 horas: Sorteio de postos. Control da temperatura corporal.
- 14,00 horas: Entrega da documentación.
- 16,00 horas: Inicio da Primeira Manga.



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



19,00 horas: Fin da Primeira Manga.
20,00 horas: Inicio da Segunda Manga.
23,00 horas: Fin da competición.

A pesaxe comezará media hora despois do sinal de fin de proba.

Os horarios, poderán ser modificados por estar a praia ocupada por bañistas ou por outros condicionantes.

Normas de comportamento:

Para facer o lance pódese entrar na auga a altura do nocello.

Unha vez feito o lance, as deportistas e as canas deberán estar na parte seca, dende onde se fará a acción de cravado e loita coa peza. . Preferentemente no centro do posto, retirado a 5 metros coma mínimo dá liña separadora dos postos a súa dereita e esquerda

Ao sinal de fin da manga é obrigado desistir de inmediato na acción de pesca, debendo retirar o aparello da auga, cobrando normalmente o aparello e estando atenta á chegada dos Controis para a entrega das capturas.

As deportistas poderán recuperar a liña rápida ou lentamente, pero a acción de recoller a tiróns esta prohibida e significará a non contabilización coma válidas das capturas realizadas ata ese momento.

As capturas presentadas á pesaxe estarán libres de area, argazo, restos de aparellos, auga ou calquera outros corpos alleos ás capturas mesmas.

As deportistas agardarán a retirada das súas capturas no seu posto.

Está totalmente prohibido botar calquera tipo de lixo ou vertedura contaminante ás augas ou á contorna. As deportistas deberán deixar o posto de pesca totalmente libre de lixo. A infracción a esta norma dará lugar á descualificación da deportista.

Queda terminantemente prohibido o consumo de tabaco no transcurso de tódalas competicións oficiais organizadas pola Federación Galega de Pesca e Casting, dende a entrada aos postos ata o final dá proba, establecéndose as correspondentes sancións, se é o caso, para quen as incumpra.

Soamente poderán entrar nos postos dos competidores os xuíces, e os Controis a petición das participantes. A infracción a esta norma dará lugar á descualificación da deportista.



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



Alterar ou entorpecer o normal desenvolvemento da proba será motivo de expulsión inmediata da mesma. Elevarase acta ao Comité de Disciplina ou Xuíz Único de Competición que, de ser o caso, iniciará o expediente oportuno.

As catro deportistas que queden primeiras na clasificación final dos dous días representarán a Galicia no vindeiro campionato nacional da especialidade 2022.

Para outras disposicións non recollidas nas presentes bases, rexerémonos polas Normas da Federación Española de Pesca e Casting da especialidade.

Por mor da actual crise sanitaria a organización non entregará, nin fará servir, ningunha clase de comida nin bebida ás participantes. Cada participante deberá traer as súas propias bebidas e comidas debidamente identificadas.

Prégase consultar na páxina web da Federación o Protocolo Covid-19 (www.fgpesca.org)

É imperativo que unha vez rematada a competición, mentres esteamos á espera da clasificación e entrega de premios, usemos a mascariña en todo momento, teñamos as mans desinfectadas, non ocupemos espazos pechados e manteñamos a distancia de seguridade.

Que poidamos seguir desenvolvendo a nosa actividade con seguridade tamén depende de todos nós.

Para esta competición o responsable do protocolo COVID-19 será o Delegado Provincial da FGPeC D. José Ramón Varela Castro tlf 670907902

Asdo. Pedro Bolaño Pérez
Presidente do Comité de Mar-Costa